

Potrebne su redovnije sjednice Vijeća ministara kako bi se ispunio program reformi

Dajući komentar na zaključke Vijeća za implementaciju mira vezane za sjednice Vijeća ministara, čini se da premijer Terzić želi «ubiti glasnika», a ne shvatiti poruku. A ta poruka je jasna. Studija izvodljivosti Evropske unije, među 16 uslova pomenutih u ovoj Studiji, navodi da se sjednice Vijeća ministara moraju sazivati «sa odgovarajućom redovitošću kako bi se poslovi iz nadležnosti vlade rješavali na ekspeditivan način”.

Politički direktori Upravnog odbora Vijeća za implementaciju mira su protekle sedmice podržali ovakvo mišljenje, izjavivši da “jedan od glavnih razloga nemogućnosti vlasti da na vrijeme izvrše sve svoje zakonodavne obaveze jeste neredovnost sjednica Vijeća ministara BiH.”

Činjenice govore same za sebe. Suviše često se planirane sjednice Vijeća ministara otkazuju zbog odsustvovanja ministara – što onemogućava postizanje kvoruma. U šestomjesečnom periodu od 3. juna do 2. decembra 2004. god., Vijeće ministara se sastalo samo 14 puta. Neredovnost sjednica vlasti također predstavlja problem; na primjer – nakon sjednice Vijeća za implementaciju mira održane u mjesecu septembru, trebalo je skoro dvije sedmice da se sazove prva sjednica Vijeća ministara.

U ostalim, sada uspješnim, državama u procesu pristupanja, kao što je Slovačka, tokom 2003. godine je održano više od 50 sjednica vlade, sa do šest održanih sjednica mjesečno. Druge vlade kao što su vlade Slovenije, Estonije ili Češke republike

također bilježe sjednice vlade organizirane na sličan način.

Mnoge reforme su u toku i Vijeće za implementaciju mira je odalo priznanje ličnom angažmanu premijera Terzića. Međutim, efikasnost rada Vlade BiH ometa neredovnost sjednica vlade: i dalje se kasni sa provođenjem određenih reformi a rokovi predviđeni u 'Zajedničkom akcionom planu' koji je potpisala Vlada BiH nisu ispunjeni. Vlasti moraju održavati redovne sjednice ukoliko žele da se njihove ambicije za otpočinjanje pregovora o potpisivanju Sporazuma o stabilizaciji i pridruživanju ostvare što je prije moguće. Ukoliko se trenutni tempo održavanja sjednica Vijeća ministara ne unaprijedi, onda će to svakako imati uticaja na mogućnost BiH da ispuní uslove iz Studije izvodljivosti.